

影印
文淵閣

四庫全書

影印

文淵閣四庫全書

第一三二八冊

北京出版集團公司
北京出版社

本册目次

樊榭山房集	續果松堂集	詩文
-------	-------	----

清厲鶚撰……………一	清沈彤撰……………二八七	清汪由敦撰……………三八一
------------	--------------	---------------

欽定四庫全書

集部
樊榭山房集卷二

詳校官侍郎 臣謝墉
助教 臣常循覆勘

總校官庶吉士 臣朱 鈐
校對官中書 臣程 瑑
謄錄進士 臣沙重輪

欽定四庫全書

集部七

樊榭山房集

別集類六

國朝

提要

臣等謹案樊榭山房集十卷續集十卷

國朝厲鶚撰鶚字太鴻錢塘人康熙庚子舉人

乾隆元年嘗薦舉博學鴻詞所居取唐皮日

休句題曰樊榭山房因以名集生平博洽羣

書尤熟於宋事嘗撰宋詩紀事一百卷南宋

欽定四庫全書

樊榭山房集

院畫錄八卷東城雜記二卷又與同社作南

宋雜事詩七卷皆考證詳明足以傳後其詩

則吐屬嫺雅有修潔自喜之致絕不染南宋

江湖末派雖才力富健尚未能與朱彝尊等

抗行而恬吟密咏綽有餘思視

國初西泠十子則翛然遠矣是書前集詩分甲

乙丙丁戊己庚辛八卷詞分甲乙二卷為康

熙甲午至乾隆己未之作續集亦詩八卷而

以北樂府一卷小令一卷附焉則已未至辛未作也乾隆四十四年十一月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

樊榭山房集

二

樊榭山房集原序

昔唐楊綰為文恥於自白非知己不可得而見而魏丁敬禮嘗求人定其文夫恥於自白者自珍其文者也求定其文者自疑其文者也僕少好篇詠晚頗知難三十年以來所作隨手棄斥存篋中者僅十之二三暇日編次古今體詩為八卷長短句二卷譬之山謠村笛雖無當於鍾呂之響而向來所閱閒居羈旅怡愉憂悴歷歷在目每一開視聊以省憶生平竊亦自珍自疑願與審音者共定之外有雜文若干卷叢綴若干卷將次第排續焉得毋蹈詭符之誚耶乾隆四年三月朔錢塘厲鶚自序

欽定四庫全書

樊榭山房集

一

樊榭山房集原序

欽定四庫全書

樊榭山房集卷一

錢塘厲鶚撰

詩甲

金壽門見示所藏唐景龍觀鐘銘拓本

以下
甲午

嗜古金大子貪若龍百貨墨本爛古色不受寒具浣便
續金石錄明誠不是過鐘銘最後得斑駁豈敢唾照眼
三百字字字蟠螭大撫迹思景雲往事去無那初翦桑
欽定四庫全書

樊榭山房集
卷一

游無門洞

陰竇絕曦景石雨垂癡龍白雲嬾不收繚繞東岳松定
僧涌壁像海衆驚靈蹤藤花拂又落暝聞烟際鐘

擬古二首

我我崑崙山鬱鬱環剛樹仙人散綠髮正陽無風雨彈

我白雪琴高邱哀無女苟得一心人聊以結衷素

美人生南國纖手工織紵或為繞梁歌當窗揚清音色
麗奪華燭情絲閒錦衾戒旦上蘭皋亭午眺青林采葛
知心苦激漂能自沈不為懷春意誰識空閨心

花塢二首

法華山西山翠深松篁蒙密自成陰團瓢更在雲深處
惟有樵風引磬音

白練鳥從深竹飛春泉淨綠上人衣分明盃尉投金瀨

欽定四庫全書

樊榭山房集
卷一

吟到日斜猶未歸

牧童詞擬張司業

主人授我烏牯牛為言主人百不憂朝逐水草暮歸宿
不使飛蠶傷牛目牽牛且向南陂嬉不知牛腹飽與飢
一朝牛病逃鞭笞主人自能問牛醫

觀汪青渠所藏嵩山諸碑版拓本六首

漢啓母廟石闕銘

開母化為石其事本荒誕何年六六峰石闕字漫漶

東魏嵩陽寺碑

運歸賀六渾悲吟後漢書可憐嵩陽寺鼎屬劫灰餘

秦王賜少林寺主敕

逆豎德充符一千思驅羊當時殲除力何以資空王

天后夏日游石淙詩

金輪昔垂衣追暑平樂澗仙巖類削成幾人侍游讌

唐裴淮少林寺碑

傳聞三花樹香雨徧諸天何日持苕帚心空初祖禪

欽定四庫全書

樊榭山房集
卷一

三

唐尉遲汾嵩山靈勝詩

名嶽鎮中畿靈異紛不一欲從劉根游吾其采芝朮

秋夜宿葛嶺涵青精舍二首

笑看圓月上前峰塔影微瀾卧玉龍林際窺人太無夢

好風吹送隔湖鐘

書燈佛火影清涼夜上層樓看海光蕉甍暗廊蟲弔月

無人知是半間堂

晚秋寄楊楊山

半籬柿葉擁堦除又見臯蘭即漸疎水減舊痕魚上後
霜傳新信雁來初雲山不用遮方麴燈火惟應照佛書
寫寄寂寥君定會宅南難覓柳郎居

讀水經注寄金壽門

霜橘耀西林木葉滯寒雨流觀桑欽書靜檢道元注峰
瀨奔几案恬目非一趣玉筍若境接香爐定神遇或時
談幽怪細儒譌繆誤不知天地大安識陰陽鑄持問蒼
水使祕簡儻可親弱齡耽覽涉苦乏濟勝具不如從韓

欽定四庫全書

樊榭山房集
卷一

四

終服食生毛羽君有禽尚心告我懷所寓

西溪道中

連野看峰秀晴雲忽有無寒田吹擺極清渚亂鷗鳬意
謂前林近誰知細路迂人家炊過午空翠集山廚

由牛滑嶺至龍門坑

山腰多農家茅茨映山色暝烟歸樵人溪光帶禪客樹
遺鶴毳鮮泉瀉龍簾白愛此欲移居惆悵振輕策

宿龍門山巢雲上人房

山在錢塘之西
俗名小和山

山樓出樹杪夜宿萬山中虎嘯不驚定鐘聲疑在空背
窗棲鳥影滅燭聽松風明日尋階水應添十二筒

冬日雜詩二首

霜酣櫺葉一村明茅屋高低烟火生多事牆頭烏白鳥
夜闌相答紡車聲

水邊僧屋剝竿雙飢鳥窺人上石幢解向西風吟落葉

黃金合鑄賈長江

蠟梅

欽定四庫全書

樊榭山房集

五

勾掠宮黃鬢朵鮮斜門疎竹暎便娟年年分餉銅街處

正是城南小雪天

月夜自草堂步至永壽寺望東臯餘雪

微月在門前泠然發清興衣袂入風舉屐齒共冰競遂

尋桑竹間蒼涼得古徑鱗鱗見殘雪遙山瑩而淨陰地

銷還凝老屋凍稍勁卻顧所來路始知原野寬寒鐘遠

更響到寺棲禽定霜閣星芒大天清樹影正決背無纖

翳觀心極明暎悠然林臯意即事寄謠詠

人日游南湖慧雲寺七首

以下未

南湖春水綠溫暾老柳生稊竹有孫頭白僧閒能引路
斜陽挂處指三門

鐘魚寥落入新年玉照堂空賸水田今日不成煎餅會

粉圍香陣憶詩仙

張功甫賞心樂事有人日煎餅會粉圍香陣攤詩仙張梅詞也

禪房鴨腳脫層陰定破闢門芋火深至竟繁華歸夢幻

最無人處叫春禽

蓮莖芡葉卧欹斜水外經寮記闢荼劫火南朝四百寺

欽定四庫全書

樊榭山房集

六

一袈裟地屬張家

捨宅裴休事亦勤披緇王旦謗須分淳熙年往碑陰在

細讀龍華發願文

寺碑史浩撰樓鑰書碑陰功甫自作捨宅發願疏最工首二句即繫括其

語

朱崖南去鳥呼風草木平泉笑衛公何似試香城北墅

殘僧禮拜冷烟中

登高何處可忘歸古寺梅風動客衣漸有放生團社約

魚苗如蟻水初肥

過丁茜園齋觀陳洪綬合樂圖

春陰泥殺人如醉不得醒東風勒花房未破小桃杏
竭來過蕭齋款語樂閒靜先生澹蕩姿愛客具佳茗
那用嘲水厄頗足勝酩酊自起展標池射目驚秀穎
一女驪兩鬟輕紅掩斜領摻手摩長笛將吹絳脣冷
一女臉如蓮黛色自修整襖襦飄回風輕容曳烟影
半扶琵琶肩指撥試俄頃復有兩女奴鴉鬟遮瘦頸
腰身十三四背面若相請或是梁綠珠生自雙角井
弟子得宋裨吹笛

欽定四庫全書

樊榭山房集
卷一

七

入清迴或是楊阿環合樂最機警鳳紋邏迤槽只有阿
蠻省先生木石腸伐性久已憬翻然持此幅儻足娛老
境列屋閑蛾眉便娟笑齊癭無須五斛螺簾衣無可屏

沙河

澄明日影射魚罩淡冶風光上鴨波齊浸蘿根三尺水
小桃正是試花時

寄倪子珍讀書仁王寺

聞君高卧浴生咏遙望吳山病目措居士舊傳十笏地

幽人新學八關齋野雲帶雨飛入戶林鳥聞鐘時下堦
更憶清吟獨繞寺撫髭不覺落松釵

北郭

北郭夕陽外人家住水西藤花當戶落荷葉並橋齊沙
碧鳥雙下樹涼蟬獨嘶輕絳來往熟幽興坐堪攜

早秋夜坐懷蔣丈靜山

夜軒殺明燈秋蟲啼四壁人靜月復清雲疎雨猶滴懷
君竹間徑況此風中笛幽意其如何堦草自寂歷

欽定四庫全書

樊榭山房集
卷一

八

絡緯

絡緯亦應候身潛葉底鼓刁騷風激響斷續雨無悲破
屋燈青色柴門夜黑時哀聲感寒女能得幾絢絲

送梅耦長先生罷泰順令還宛陵

歸去宣州七月初蕭然行李意何如官身已謝潘懷縣
真散應同陶隱居稍待西風看雪稻更聞春網薦琴魚
修船謠似春陵作此日雲山不負渠

先生在水甌時作
修船謠恤民役也

題畫松鼠

間琴五粒戲睽目烟霄外不須歎倉中久已誤上蔡

汪青渠送研光牋

蕭然注眄曇長物亦何有夜吟踞壁卧朝吟但袖手故
人造雲藍輒遣五十枚瑩然女兒膚心目為之開一笑
磨烏丸欲試復惆悵刺藤遭天闕此語定非妄既無連
絲書亦無播摺詞時展白萍文報君長相思

月夜懷金繪自游湖南三首

徘徊去燭房延佇啓虛牖白露淒未零衆星惟見斗清

欽定四庫全書

樊榭山房集

九

輝在衣裳憶昔同攜手無由折瓊枝紆軫一搔首

搔首那可期遠在沅湘縻青楓泊船處竹外湘娥悲聞

歌兩東門秋髮飄如絲隱隱女嬃砧千里長相思

相思共明月復此清商節迢迢蒼梧雲芳草殊未歇羈

人常念歸誰能忘離別驚蜩過樹飛斜漢亦已沒

九月三日池上

片段殘雲都卷盡水邊秋思渺無涯西風吹過徐熙鴨

丁倒蓮房搖箭靫

湖上擬游龍井不果寄汪大興

平生湖山鄰幽夢阻龍井辨才跣趺處結思令人癭畢
景來北山清樾鳴禽冷下見澄波生鱗甲威百頃竊泉
前林烟相戛兩峰影樵徑橫翠微莫辨風篁嶺遙知清
冷淵梵放相與永何時同君游佳處得細領

西溪月夜懷大滌山二首

天柱峰頭見晴雪瑤壇玉洞暗相連石林夙具看山癖

也負知宮三十年

葉石林提舉洞霄宮嘗曰吾知宮三十年未暇一至孰謂吾為愛山者乎

欽定四庫全書

樊榭山房集

十

雲根際夕抱冬心溪曲沿緣不可尋遙想郭文棲隱處

夜泉孤月萬松深

金繪自自湖南游桂林歸賦贈

西南山水敵清都天與詩人縱目殊郡有顏公稱二始

溪經元子署三吾釣藤酒美能攜否桂布衣輕得浣無

笑我平生寡游歷相逢子細問鄉隅

讀五代史二首

五季方龍戰濁亂失昏曉士有荀祿者傾身以營飽選

哉鄭先生冥心棲靈顙松脂去三尸獨立塵瑱表

吾愛張監軍心為巨唐有不知鬪雞兒自取竟相負刑
餘誠何傷報韓同不朽區區六臣輩晝日但顏厚

江上訪金壽門出觀顏魯公麻姑山仙壇記米海

岳顏魯公祠堂碑拓本

雲沙繞村南小築如鹿柴

去聲

埽地焚香人相見一瀟灑

論書近攜拾勿事微倒薤側聞麻姑壇名蹟興先邁餘

髮時垂腰丹砂亦狡獪有無海揚塵故地今神界堂堂

欽定四庫全書

樊榭山房集

上

小顏公頗喜究奇怪波瀾縮道麗接待記仙話陶八碧

霞丹入嚙若沆瀣汝州死大節竟等蛇蟬解顛人述其

事穹碑字如蠆緬彼天寶季豔煽金鏡壞二十四郡中

義士抱耿介獨抗阿瑩山聲振哥舒敗晚令使賊庭讒

口足類齡即云歸羅浮乘風固可快靈均為水仙理有

說非註持此語故人相顧發長喟落落青瑤鋤當見百

靈拜坐深地爐灰浩歌共決背

同南畝二兄游河渚飲沈晴川書齋

以下
丙申

到來知不易遠近引漁謳野水中開閣交蘆外倚舟峰
陰含古色梅凍得清愁漫比平原酌高人肯見留

寶蓮山是韓平原故宅

霧閣雲窗付渺茫平原事往徑全荒居人不識太師竹
風葉幾枝搖夕陽

題沈其章秋林積雨圖

黯黯秋郊陰淋漓愁霖晦作此雨點皴濃如五斛黛堆
阜起伏徑術迷向背目窮中林深却滴梧葉大數間

欽定四庫全書

樊榭山房集

上

尖頭屋湮雲垂靄霽潤疑生青苔漏欲添白蓋勿謂炊

烟遲此中有人在

觀吳耕民所藏唐泰山摩崖碑拓本同繪貞作

羨君少年癖好古曾臨日觀登天門穹崖彩翠忽明滅

雞號下見扶桑暎開元天子勒銘在苔滑不憚兩手捫

為尋墨本完好寡過客求索民胥冤梯空緣壁歷至險

實惜鉅費哀驚魂野火燒裂風雨碎連紙珍似收璵璠

無金購此得舊拓坐客竦視息衆喧八分飛動六百字

驚飄鳳泊神明存當年東封有本末燕公為相開其原
誰與異議獨乾曜廟堂那念供頓煩惟侈海宇已殷富
思以大典誇黎元金泥石礧事非古萬乘帳殿勞雲屯
天章震耀復嚴謚御墨揮灑如飛鸞未聞虞舜昔封禪
大書深刻留巖根況無本命禮西嶽金天位號何雄尊
述聖頌得呂補闕豐碑離立蛟龍蹲岱宗事盛過太華
遺制遠與乾封論須臾時世易天寶兩京湏洞風塵昏
青驪蜀道播遷日百神不效前驅奔乃知用事睹符瑞

欽定四庫全書

樊榭山房集
卷一

三

史公載筆皆微言北里之禾鄙上黍秦漢故轍徒紛繁
即如此碑亦炯鑒延秋門外哀王孫濡紙脫文一感際
排翮思作摩霄鷗

感秋

炎景忽已往素節來有期西池日夕涼風雨飄無時高
樹易為響離蟬如自悲誰能慰縣思非無酒盈卮

秋日同王菊存汪青渠楊開緒渡湖至壑菴由幽
居洞上看摩崖家人卦登慧日精舍訪亦諧上人

際晚下山尋明昌化伯墓不得汎舟而還得詩四
首

延緣截鏡面一湖殊陰晴西南三五峰雲氣縷縷生孤
擢即前浦翹鷺涼不驚朱甍林表燦綠樹崇岡纓遙聞
微鐘響旁見孤塔明南屏忽覩面蒼翠紛相迎水天寂
於夜到岸詠蒲聲

注目望山坳靜侶若孤往隱見草間泉時有脩蛇想清
風散木魚佛屋藏篠簜度橋潭鏡皎入洞出楹敞竚窅

欽定四庫全書

樊榭山房集
卷一

十四

中復穿微徑折屨上快觀涑水碑義取風火象摩崖擅
八分遺跡成俯仰秋氣松際來吹作居巢響

絕頂露扶闌懸崖度禪榻為訪贊公來不憚芒履踏入
室憺忘言風樹自相答四角鈴鐸鳴衆綠何獵颯俯見
北峰雲奄與南峰合雨脚渡湖至驚起兩棲鴿一氣中
迷濛天鏡互開闔稍霽烟鬟靚日射黃妃塔了然清淨
界幻象無不納同游五六月看雪期深臘
取徑下仄磴秋草自作花山風襲人衣叫噪白項鴉飽

聞外戚墓厚葬崇驕奢當時議禮者思先丁傳家吁嗟
百年後變化如蟲沙大儒推控頤金粟出隧斜欲往弔
興亡覓路迷三义瞑色起前林喚渡艤子挈晚湖波皺
鱗衆岫興陰霞歸時想清景漏鼓忘頻撾

池上

高柳初髡倚晚汀幾時來此補魚經昨宵知有稀疏雨
滴破一方青白萍

佛屋間題

欽定四庫全書

樊榭山房集
卷一

五

梵夾意蕭然安居不離禪人依淨綠水地輒妬羅緜已
菊將梅候初霜欲雪天何妨臂鷹手自送佛前錢白香山香
月觀音讚云淨綠水上虛白光中地觸柔輓似妬羅緜見法苑珠林

九里松至西山道中同金壽門周少穆王雪子作
不負幽尋出郭門木絲裘暖趁朝曦山遮壞塔可十里
樹裊孤烟自一村高冢多風松落子空田無雪稻生孫
須知歲晏人游少正要諸公細討論

過宋通問副使朱公少章墓

突兀殘碑立古阡行人猶記紹興年青衣已見君王辱
白髮何期使節旋老淚冰天佗日恨遺聞曲洧至今傳
一杯築並花宮地夕唄晨鐘更惘然

冷泉亭

衆壑孤亭合泉聲出翠微靜聞兼遠梵獨立悟清暉木
落殘僧定山寒歸鳥稀遲遲松外月為我照田衣

靈隱寺月夜

夜寒香界白澗曲寺門通月在衆峰頂泉流亂葉中一

欽定四庫全書

樊榭山房集
卷一

十六

燈羣動息孤磬四天空歸路畏逢虎況聞巖下風

晚登韜光絕頂

入山已三日登頓遂真賞霜磴滑難踐陽崖曦乍晃穿
漏深竹光冷翠引孤往冥搜滅衆聞百泉同一響蔽谷
境盡幽躋顛矚始興小閣俯江湖目極但蒼蒼坐深香
出院青靄落池上永懷白侍郎願言脫塵鞅

蓮居

宛似游虛落疎籬曲繞門僧房倚樹腹梵板響城根犬

吠驚風葉鵝歸識水村流傳李先輩瘦硬小碑存

中有李長

衡書碑絕佳

西溪泛舟遇雪

以下丁酉

孤擢不覺遠窈然流水深春烟沈大嶺密雪響疎林白
社何年約青蓑舊隱心推蓬起寒色雙屐阻幽尋

題陳子健所藏宋人畫太真按舞圖

柳芽將吐菜甲新西堂小雨愁青春有來此畫傳院體
調鉛寫黛知何人三郎深宮常晏起獨愛霓裳譜風水

欽定四庫全書

樊榭山房集卷一

七

太真能舞作舞詩羅裊動香香不已念奴按拍寂不喧
罷教雜樂呼梨園至今看畫尚有恨鞦韆未歇烟塵昏
良工好手誠難遇周昉張萱具生趣勸君裝潢藏弃牢
佗時好待添丁付

西溪歸訪王既咸

牆東君公清且賢留客纔我西溪船霍山廟前看殘雪
溜水橋下添新泉梅開香破缸面酒日出暖射牀頭氈
春濃更當挈伴過菜花繡徧村村田

三月十三日游法華山

連山背湖西地脉聚而凝婆留霸氣餘峰嶺尚雄勝嘉
我同游人穿榛得荒徑陽坡豔帚披陰崖龍腹亘天風
鼓蓬勃白雲若沸甌置身萬松顛心曠肅觀聽紆回下
前阪翠樾出僧磬入籬泉偶枯方井鑿亦湢繡田盡雜
花烟中笑羣媵茶戶競物利衣短不掩脰采摘泣晨露
山謠頗相應酌酒墟墓間作達槥隨磬芻狗本幻誕石
馬久光瑩神絃走村氓縹緲事愚佞洞簫裊林木篝火

欽定四庫全書

樊榭山房集卷一

六

繞巖磴因之日夕還嵐彩眩難定此境天所遺庶以忘
蹭蹬望中青帘曳猶似攜餘興

北郭紀游四首

散花灘

當年張外史此地有行窩喬木居人少蒼烟廢圃多道
心遺外物身事託樵歌最好灘前水春來似熨羅

江漲橋

長虹偃郭外勝日記偷游簾卷橋南樹花飛水上樓客

行津鼓動天遠峭帆收俯仰悲人代茫茫對碧流

妙行寺

棟宇何年締規模壓一城烟霄竊鐵鳳風雨吼華鯨臨

水春船集巡廊午日明喻彌陀畫佛不見斷碑橫余嘗見元

郭天錫容抗日記云出北關門妙行寺中有碑石數本云喻彌陀神筆所畫佛像次禮古觀音像相傳唐朝塑

者今則俱無之矣

西馬塍

行徧馬塍曲春風無處無酒堪澆白石墓已沒黃墟接

欽定四庫全書

樊榭山房集

十九

樹看鄰媼傳芭走里巫移裁入朱戶舊事續潛夫宋姜堯章

葵西馬塍蘇石挽之云幸是小紅方嫁了不然啼損馬塍花小紅范石湖所贈青衣也見陸友仁覲北雜志

晚步

斜景忽已暝流鶯時一鳴水光知月出花落見風行僻

地非遺世新畦欲耜耕孤吟少儔侶發興自江城

園居和蔣丈靜山

市塵拋後稱閒居好結南隣分有餘迤徑相過惟礙竹

小畦旋往欲刪蔬不離板閣池光動自下蘆簾暑氣疎

寄語輪蹄馳逐客清名持較定何如

秋分日呈陳楞山無寄亦語上人

拉瑟西風故故催江鴻社燕共裴回那知極浦水花老

又接繞籬蟲桂開隔歲相思同濁酒幾句塵土挽純灰

瘦權更在高寒頂清露翻經坐石臺

題水居追暑圖

峭壁插天下無地萬荷喧雨境脩然適來披畫當秋爽

尚想風亭散髮眠

欽定四庫全書

樊榭山房集

二十

友人貽頻婆果賦謝十韻

是物幽燕貴雕盤獨薦時芳華存梵夾蔽蒂補風詩朱竹

垞太史曰下舊楚楫名空得唐梯摘易為乍隨籠壓騎聞云疑即甘棠

還想雨低枝澹白腮輕柰勻紅頰肖梨靈根吳客少俊

味細娘知齒冰臨叩渴香迷下蔡疑枕函聞逆鼻宋閻

頻婆果夜置枕連微有香氣瑶席顛支頤墜地誰工寫宣和畫譜畫

折枝傾筐曾見遺玉窗春夢裏好好寄相思

雨夜述懷十三韻

癡雲催暝早坐覺瀉幽涼院靜無來雁天陰絕吠危薄
寒初浙浙孤燭自憧憧觸迂愁難斷音短崢嶸意未降畏
途同歷阪殘歲類奔瀧入世憎高髻澆胃漫滿缸前塵
青豆舍舊夢碧油窗曲踊何煩百吹簾信少雙浮沈仍
蠹簡浩蕩想漁艘虛冒棲遲好須安里俗吮朋歡違尺
素詩敵束空杠倦枕欬還醒清鐘速更撞幾時深卜築
繞戶種雞腔

無盡意齋寒夜用覺範送元老住清脩韻

欽定四庫全書

樂謝山房集
卷一

五

竹雪欠清聲餅筍有餘韻西齋擁爐坐燈火耿幽暎微
緒獨繭繅長謠適真性朱門貂襜褕夜游付一哂生平
號迂疎屬歸真自號
錦溪迂疎子窘步遠捷徑寒林聽脫葉復落固
不愠何妨戒香熏詩格與僧近聊以文字禪解此塵土
恨折龔黃梅花是名意無盡

歲暮答王既咸

北郭幽棲一水涯松毛蓋屋蘚侵堦詩來慰我不稱意
歲晏憐君獨寡諧臘鼓無端喧委巷春燈取次翦閒街

疎梅半樹展書卷賸欲此中尋好懷

春寒

以下
戊戌

初月已既魚上冰峭寒陡作相憑陵濃陰黯黯天地凝
欲見白日何時升紅舒翠坼力未勝有如志士坎壈仍
空齋枯坐粥飯僧喋喋誰送半臂紱夜聽街鼓睡不能
紙窗升降風中燈侵晨更覺被有棱所遭偶爾吾何憎
只思布韉游馬塍花氣一片丹霞蒸

春日逢施謂伊話舊

欽定四庫全書

樂謝山房集
卷一

五

十年墜雨惜相違朋輩如君儂指稀難肋只今殊少味
虎頭何用盡能飛秋湖憶共青油舫晚寺曾尋白竹扉
回首昔游都在眼杏花風外一霑衣

二月二十七日臯亭山下看桃花二首

登船出郭即通津不負佳游及此辰韶蕩年光挑菜渚
支離身事看花人戲鵝語鴨漁莊靜烟暖天清水寺春
當境底須頻恡酒銑溪如許已成塵

臯亭山下集游船半載尊壘半管絃並岸斜看花影倒

落英亂點水文圓東風不信將三月往事無多又四年
只有吳娘知可惜折枝繡滿禿襟前

首夏雨中即事

不斷迎梅雨散絲水村誰與共心期晝眠有味低回久
殘客無情報謁遲乍暖乍寒開苦棟澹紅澹白到戎葵
平生閒卻籠鷹手自試隄廩寫小詩

病目戲成

微病何來解相惱焚香掃地一閒身且輸名士誇巖電

欽定四庫全書

樊榭山房集

五

欲共高僧究眼塵細字難拋工作祟好花飽看已過春
阜羅為障非吾事養就疎慵學避人

月夜舟出北關同壽門作

出門輕百里猶喜共君行雅愛聞吳語誰能計水程野
橋迎月直斷岸見烟生涼蛤爾何意喧眠到五更

菱湖

到眼忽成市千家燈鑑開魚多論斗賣菱好及時裁歷
歷帆斜過汙汙水倒回有人葭莢外銅笛或吹來

碧浪湖

白塔紅亭宿霧收放船港口足銷憂蘆分山色離披去
水接雲容淡沲浮風物三吳何處最陂塘五月已如秋
樊川可是詩情減不為探春也合游

同壽門訪長興鮑西岡明府留宿縣齋即事

聞道吳西俗最佳扁舟聊復散幽懷詩人來作長城宰
客子如停小謝齋落魄自憐仍楚製荒唐多分續齊諧
梁吳均邑人
著續齊諧記

欽定四庫全書

樊榭山房集

五

督牛犂我田歐陽圭齋句也壽門為圖因題其後
高人思食力所寄在扶犂自足一生事何知四體疲烏
捷行水淺白鷺下田遲緩緩逢鄰叟香杭問可宜

同壽門游若溪廣惠寺是陳武帝故宅

寺中有井
相傳帝初

生時取水以浴忽涌起數尺
明歸熙甫作今時刻銘其上

若溪走玉龍連山抱千層水風引到寺老樹青鬚髻上
巢大觜鳥下絡交枝藤王氣久死灰陰怪爭來憑陳帝
起里中樵牧猶相矜持青一旅奮驅賊如秋蠅悲哉蕭